

Хирургиялық стерилизация жасау қағидалары мен шарттарын бекіту туралы

Қазақстан Республикасы Денсаулық сақтау министрінің 2020 жылғы 6 қарашадағы № КР ДСМ-185/2020 бұйрығы. Қазақстан Республикасының Әділет министрлігінде 2020 жылғы 10 қарашада № 21615 болып тіркелді

"Халық денсаулығы және денсаулық сақтау жүйесі туралы" Қазақстан Республикасының 2020 жылғы 7 шілдедегі Кодексінің 151-бабына сәйкес БҰЙЫРАМЫН:

1. Осы бұйрыққа 1-қосымшаға сәйкес хирургиялық стерилизация жасау қағидалары мен шарттары бекітілсін.

2. "Азаматтарға хирургиялық стерилизациялауды жүргізу ережесін бекіту туралы" Қазақстан Республикасы Денсаулық сақтау министрінің міндетін атқарушының 2009 жылғы 30 қазандағы № 625 бұйрығының (Қазақстан Республикасы Әділет министрлігінде 2009 жылғы 24 қарашада № 5881 болып тіркелген, 2010 жылы № 7 Қазақстан Республикасының орталық атқарушы және өзге де орталық мемлекеттік органдары актілерінің жинағында жарияланған) күші жойылды деп танылсын.

3. Қазақстан Республикасы Денсаулық сақтау министрлігінің Ана мен бала денсаулығын сақтау департаменті заңнамада белгіленген тәртіппен:

1) осы бұйрықты Қазақстан Республикасы Әділет министрлігінде мемлекеттік тіркеуді:

2) осы бұйрықты ресми жариялағаннан кейін Қазақстан Республикасы Денсаулық сақтау министрлігінің интернет-ресурсында орналастыруды;

3) осы бұйрықты мемлекеттік тіркегеннен кейін он жұмыс күнінің ішінде Қазақстан Республикасы Денсаулық сақтау министрлігінің Зан департаментіне осы тармақтың 1), 2) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

4. Осы бұйрықтың орындалуын бақылау жетекшілік ететін Қазақстан Республикасының Денсаулық сақтау вице-министре жүктелсін.

5. Осы бұйрық алғашқы ресми жарияланған қунінен кейін күнтізбелік он күн өткен соң қолданысқа енгізіледі.

Қазақстан Республикасы
Денсаулық сақтау министрі

А. Цой

Қазақстан Республикасы
Денсаулық сақтау министрі
2020 жылғы 6 қарашасы
№ КР ДСМ-185/2020
бұйрығына қосымша

Хиургиялық стерилизация жасау қағидалары мен шарттары

1-тaraу. Жалпы ережелер

1. Осы Хиургиялық стерилизация жасау қағидалары "Халық денсаулығы және денсаулық сақтау жүйесі туралы" Қазақстан Республикасының 2020 жылғы 7 шілдедегі Кодексінің (бұдан әрі – Кодекс) 151-бабының 3-тармағына сәйкес өзірленді және осы қызметтің жүзеге асыруға лицензиясы бар денсаулық сақтау субъектілерінің хиургиялық стерилизация жасау тәртібі мен шарттарын айқындайды.

2. Хиургиялық стерилизация жасаудың алдында емдеуші дәрігер осы процестің қайтымсыздығын, моральдық-этикалық, психологиялық және жағымсыз физиологиялық салдарлары мен асқынуларды түсіндіруге бағытталған әңгімелер жүргізеді.

2-тaraу. Хиургиялық стерилизация жасау тәртібі

3. Қаламаған жүктіліктің алдын алу мақсатында хиургиялық стерилизацияны пайдаланғысы келетін азаматтарға жүгінген жері бойынша Кодекстің 7-бабының 31) тармақшасына сәйкес амбулаториялық пациенттің медициналық картасы толтырылады.

4. Медициналық ұйымдардың акушер-гинеколог және уролог-андролог дәрігерлері азаматтар хиургиялық стерилизациялау үшін жолдама алуға жүгінген кезде операцияға медициналық қарсы көрсетілімдердің жоқтығын анықтау үшін зерттең-қарау жүргізеді.

5. Пациенттерге хиургиялық стерилизация тегін медициналық көмектің кепілдік берілген көлемі шеңберінде және (немесе) міндетті әлеуметтік медициналық сақтандыру жүйесінде жасалады.

6. Хиургиялық араласу пациентке жазбаша ақпараттандырылған келісім алғаннан кейін ұсынылады.

7. Хиургиялық стерилизациялау бойынша операциялар жасауға байланысты азаматтарға іш қуысы хиургиялық операциялары үшін регламенттелген медициналық зерттең-қарау жүргізіледі.

8. Хиургиялық стерилизация операциясына медициналық қарсы көрсетілімдер болмаған кезде, сондай-ақ пациенттің жазбаша келісімі болған кезде азаматтарға пациентті зерттең-қарау нәтижелері бар амбулаториялық науқастың картасынан үзінді көшірмемен емдеуге жатқызу бюросының порталы арқылы медициналық ұйымға жолдама беріледі.

9. Азаматтардың хиургиялық стерилизация жасауға медициналық көрсетілімдерді медициналық ұйымдарда құрамында денсаулық сақтау ұйымының басшысы,

акушер-гинеколог немесе уролог-андролог дәрігер, саласына ауру тиісті мамандықтың дәрігері бар дәрігерлік-консультациялық комиссия (бұдан әрі-ДКК) белгілейді.

10. Медициналық көрсетілімдер кезінде азаматтарға көрсетілген мамандардың қолдарымен және медициналық үйымның толық клиникалық диагнозы бар қорытынды беріледі.

11. Азаматтар медициналық үйымға жүгінген кезде:

- 1) емдеуге жатқызу бюросы порталы арқылы жолдаманы;
- 2) ДКК қорытындысын, егер осы Қағидалардың 9-тармағында көрсетілсе;

3) пациентті зерттеп-қарау нәтижелері бар амбулаториялық науқастың картасынан үзінді көшірмені ұсынуы қажет.

12. Хирургиялық стерилизация жасағаннан кейін пациенттің медициналық үйымда болу мерзімін емдеуші дәрігер пациенттің денсаулық жағдайына байланысты жеке айқындаиды.

3-тaraу. Хирургиялық стерилизация жасау шарттары

13. Қаламаған жүктіліктің алдын алу әдісі ретінде хирургиялық стерилизацияның шарты 35 жастан кіші емес немесе екі баласы бар азаматтың жазбаша келісімі, медициналық көрсетілімдер болған кезде, жасына және балаларының болуына қарамастан пациенттің келісімі болып табылады.

14. Хирургиялық стерилизация жасауға арналған медициналық көрсетілімдер:

1) қазіргі немесе өткен уақыттағы барлық орындағы қатерлі ісіктер;

2) қайталанған кесарь тілігі және балалары болған кезде гинекологиялық операциядан кейінгі жатырда тыртықтың болуы;

3) эндокриндік жүйе аурулары:

тиреотоксикоз;

туа біткен немесе журе біткен гипотиреоз;

ауыр нысандағы қант диабеті;

жұбайлардың екеуінде де қант диабетінің болуы;

гиперпаратиреоз, гипопаратиреоз;

қантсыз диабет;

бүйрек үсті безі аурулары (белсенді фазасы немесе арнайы емдеуден кейін айқын қалдық құбылыстар);

амилоидоз;

4) қан және қан өндіру ағзаларының аурулары:

апластикалық анемия;

өршу сатысындағы тромбопеникалық және тромбопатикалық жағдайлар;

өршу сатысындағы геморрагиялық жағдайлар;

5) психикалық бұзылулар (болашақ баланың анасы мен әкесінің психоневрологиялық ұйымда қуәлануы):

психоздар, оның ішінде алкогольдық дәрілік, шизофрениялық және басқа да неорганикалық психоздар;

органикалық аурулардың нәтижесінде туындайтын өтпелі және созылмалы психоневрологиялық жағдайлар;

шизофрения;

параноидтық жағдай;

жеке басының бұзылуы;

созылмалы алкоголизм;

ақыл-ес кемістігі.

6) нерв жүйесі мен сезім ағзаларының аурулары:

орталық нерв жүйесінің ауыр асқыну ауруларын (менингит, энцефалит, миелит пен энцефаломиелит) бастан өткізгендер;

орталық нерв жүйесінің тұқым қуалаушылық және дегенеративтік аурулары;

бытыраңқы склероздың барлық нысаны, орталық нерв жүйесінің басқа миеленсіздендіру аурулары;

эпилепсия - барлық нысаны;

каталепсия және нарколепсия - барлық нысаны;

асқынған және уытты невропатия - өршу сатысындағы барлық нысаны;

бұлшықет дистрофиясы және миопатияның басқа да түрлері;

тор қабықтың бөлінуі, нұрлы қабықтың аурулары - ауыр нысаны, көру жүйесінің невриті, кератит, көру өткірлігінің өршімелі төмендеуі, та біткен катаракта;

вестибулярлық аппарат аурулары;

отосклероз – есту қабілеті барлық нысаны, ұдемелі төмендеген жүйесінің аурулары кезде есту нервісінің аурулары, та біткен саныраулық, мылқаулық;

7) қанайналым жүйесінің аурулары:

үзіліссіз қайталараптың миокардит;

жүрек қысылуы белгісі бар созылмалы перикардит;

митральдық, аорталық, үш жармалы қақпақша кемістіктері, 2-3 дәрежедегі қанайналым функциясының жеткіліксіздігі бар көп қақпақшалы кемістіктер;

11-сатыдағы жиі кризисі бар (А дәрежелі, 2 – б – 3) дәрежедегі қатерлі гипертония ауруы;

жүректің ишемиялық ауруы – барлық нысан;

өкпе гипертензиясының болуы 2-3 дәрежелі;

жүрек ырғағы мен өткізгіштіктің бұзылуы: 3-дәрежелі атриовентрикулярлық блокадалар, жыбырлақ аритмия, жиі ұстамалары бар пароксизмальдық тахикардия;

аорта аневризмі;

arterия тромбозы мен эмболиясы;

түйінді периартериит және ұқсас жағдайлар;
қанайналым жүйесінің басқа да түрлі аномалиялары;
өкпе гипертензиясы симптомдары кезінде жүргізілген кемшіліктерді хирургиялық түзетуден кейінгі жағдайлар, түрлі кемістіктерді толық емес хирургиялық түзетулер, септалдық кемістіктер мен ашық артериялық түтікті реканализациялау;

жүректің басқа қақпақшаларының қанағаттанарлықсыз жағдайы кезінде жүректің қақпақшаларын протездегеннен кейінгі жағдай;

8) тыныс алу ағзаларының аурулары:
қолқа, трахея немесе бронхтың стенозы;
бронх демікпесі - ауыр нысан;
бронхоэкстракталық ауру - ауыр, гормонға тәуелді нысан;
өкпе-жүрек функцияларының жеткіліксіздігі бар өкпе және плевра аурулары ішкі мүшелердің амилоидозы;
өкпе поликистозы;

2-б және 3-дәрежелі тыныс алу функциясының жеткіліксіздігі бар тыныс алу ағзаларының аурулары;

өкпе туберкулезінің ауыр нысандарын бастап өткерген науқастар;
9) ас қорыту ағзаларының аурулары:
сүмбілеуге келмейтін өңештің тарылуы және стенозы;
жасанды өңеш;
анамнезінде стенозы және қан кетуі бар асқазан мен ұлтабар жарасы;
алдыңғы қуыс іш қабырғасы алишақтаған елеулі мөлшердегі іш қуысының жарығы;
ішек қан кетулері бар оңалту сатысындағы жиі өршитін инфекциялық энтериттер мен колиттер;
операция жасалған асқазан синдромы;
функциясы бұзылған бауыр мен өт жолдарының созылмалы аурулары және бауыр циррозы;
ішек дисбактериозы, ауыр түрі.

10) несеп-жыныс жүйесінің аурулары:
созылмалы қайталараптың гломерулонефрит;
жіті және созылмалы бүйрек функциясының жеткіліксіздігі;

бүйрек және басқа ағзалардың функциясы бұзылған бүйрек паренхимдерінің аурулары (тұрақты гипертония), жалғыз бүйректің созылмалы қайталараптың пиелонефриті;

бүйрек функциясы бұзылған гидронефроз (екі жақты, жалғыз бүйрек, түрлі аурулары);
бүйрек функциясының жеткіліксіздігі бар бүйрек поликистозы;
әйелдердің жыныс ағзаларындағы жыланкөздер және оларды түзету операциясынан кейінгі жай-күй.

11) сүйек-бұлшықет жүйесінің және дәнекерлік тіндердің аурулары:

дәнекерлік тіндерден таралған ауруы;
буындар функциясы ауыр бұзылған ревматоидтық артрит және басқа да асқынудан
тыс қабыну артропаттар;
функциясы бұзылған тірек-қозғалыс аппаратының аурулары (анкилозды спондилит;
остеохондропатия);
аяқты, табанды (толық) ампутациялау.

12) пренаталдық молекулярлық-генетикалық диагностиканың болмауы кезіндегі
моногендік тұқым қуалаушылық аурулар.

15. Хирургиялық стерилизация жасау үшін қарсы көрсетілімдер:
- 1) кез келген орындағы жіті (немесе асқыну сатысындағы созылмалы) инфекциялық
қабынған аурулар;
 - 2) кез келген жерде орналасқан жіті (немесе асқыну сатысындағы созылмалы)
қабынған аурулар;
 - 3) декомпенсация сатысындағы өмірлік маңызды ағзалардың созылмалы аурулары;
 - 4) жүрек-қантамырлық жүйесі аурулары кезіндегі гемодинамика көрсеткіштерінің
бұзылуы;
 - 5) қан және қан өндіру ағзаларының аурулары кезіндегі гематологиялық
көрсеткіштердің бұзылуы.